

Aduertencias para

his rebus de quibus nihil certi statuit diuina Scriptura: mos populi Dei, & instituta maiorum, pro lege tenenda sunt: & sicut prænarratores diuinarum legum: ita cōtemptores Ecclesiasticarum consuetudinum coercendi sunt. Hæc B. August. Ex his itaq; verbis inferitur q̄ si alicubi est consuetudo q̄ sola omasa & intestina Sabbatho manducantur, ibi illa sola ab omnibus manducantur, & ibi nemo præsumat facere contrarium: licet etiam hoc putet sibi esse licitum, quandoquidem dicit B. Paulus, 1. Cor. 10. Omnia mihi licent, sed non omnia expediunt. Omnia mihi licent, sed non omnia edificant. Et idem 1. Cor. 8. Videte [inquit] ne forte hæc licentia vestra offēdiculum fiat infirmis. Quia propter si scandalizem fratrem meum: non manducabo carnem in æternum, ne fratrem meum scandalizem. Ibi inq̄; obseruetur quod supra diximus ex cap. Illa. dist. 12. q̄ illis se conformet homo cum quibus vuit. In locis autem in quibus non est in hoc certa consuetudo quantum ad hoc, putà quia aliqui ibi tantum comedunt omasa, alij cum intestinis comedunt animalium pedes, alij vero alias animalium partes extremas de more illius loci,